

60 kadeta položilo svečanu zakletvu pred ministrom i policijskim komesarom MUP-a TK-a

04.01.2018 14:54



Šezdeset kadeta 31. generacije Policijske akademije FMUP-a položilo je danas (04.01.2018.godine) svečanu zakletvu pred ministrom i policijskim komesarom u prisustvu predsjednika Skupštine TK-a i menadžmenta MUP-a TK-a sa saradnicima, te rodbine i prijatelja.

Na današnjoj svečanosti koja je održana u prostorijama Policijske uprave Lukavac, kadeti su, nakon uspješno završene obuke potpisali Ugovore o radu, te su raspoređeni na dužnost u organizacione jedinice Uprave policije MUP-a TK-a, odnosno policijske uprave - stanice shodno ukazanim potrebama.

„Nakon polaganja svečane zakletve policajci imaju puna policijska ovlaštenja propisana Zakonom o policijskim službenicima Tuzlanskog kantona uz nadzor mentora nad njihovom primjenom u prvih 12 mjeseci koliko traje probni rad. Ovo je prva generacija koja će probni rad odrađivati uz certificirane mentore za obuku policijskih službenika na probnom radu, što će zasigurno povećati profesionalnost i efikasnost policijskog rada, a riječ je novom projektu mentorstva policijskih službenika koji je nedavno pokrenut zahvaljujući saradnji sa ICITAP-om u BiH“ - rekao je policijski komesar Fadil Šljivić.

„Naša je obaveza stalno kadrovsko osposobljavanje MUP-a TK-a, s obzirom da u posljednje vrijeme imamo jako puno ljudi koji odlaze u starosnu penziju, tako da smo u posljednje dvije godine primili ukupno 140 novih policijskih službenika, što ćemo nastaviti i u narednom periodu. U toku je još jedan Javni konkurs za prijem u Upravu policije, i to 60 kandidata u činu policajac i 10 kandidata u činu mladi inspektor. Novi mladi kadrovi su nova energija i snaga ovog Ministarstva i očekujem od njih da svoj posao obavljaju časno, pošteno, savjesno i odgovorno koristeći policijska ovlaštenje na ostvarivanju strateških ciljeva MUP-a TK-a i u skladu sa pozitivnim zakonskim propisima koji regulišu ovu oblast“ - istakao je ministar unutrašnjih poslova Husein Topčagić.